

IL FANTASMA DEL CONVENTO

Ce štéva na vóta nu crištijane che tenéve na mórra de figlie. ‘Št’óme iva arrangianne la jurnata mò da une e mò da n’àute pe cercà de sfamà la famiglia.

Capeta ca n’anne quište rèšte pe paricchie tiémpe sènza fatija e n’ sapéa cumme fa. Le figlie tenévene na fame che pe poche ‘nze magnavene l’une che l’aute.

Vicine a la casa so’, ci abbetava n’autu povere crištijane, pur’isse che na carrétta de figlie e pur’isse c’u problème de cumme fa pe sfamà le ddurrece figlie suo’.

Évene arrevate quasce a u štréme de le forze, quanne va ‘štu tizie e dice a u cumpare suo’: cumpà haje fatte na penzata, addusereme: Iére passanne p’u Cummènte haje vište n’uorte chine chine ‘é càule a cappucce, sa che vuléme fa... tu puorte nu pare ‘é sacche, ije me mméne nu lenzuole ‘ncuolle e me mette a cantà cumme se fusse nu spirete ‘ntromente tu rejgne le sacche..

Le ddù cumpare piénzene ca u fatte è buone e la séra doppe, vèrte u tarde, ze ne vanne all’uorte d’u Cummènte.

U cumpare che tenèa ddurrece figlie, ze mména ‘ncape u lenzuole ghianche e ‘ncumènze a cantà che na vocia che facèa paura, che facèa accappunà la pèlle:

“ Quando évo vivo ije, passigiave pe ‘štu ciardine... e mò ché songo morto, passeggio pe quišt’orto...Finchè nen trovo pacé qua me ne voglio štare a réposarè...”e u seconde cumpare tagliave le caule a cappucce e rejgnéve u sacche.

Rént’a u cummènte ce štèane quatte muónece, tré vicchiariélle e une cchiù giovene che éva frate cercatóre. ‘Štu fratiélle sènte ‘šte voce e corre a chiamà u patre guardiane. U guardiane sènte ‘štu cante e ze mette paura. Allora dice a le fratiélle, jame rént’a la cappèlla e mettémece a prijà accusì l’anema dannata z’acquiéta. U cumpare che facèa u fantasme cantave sèmpe che cchiù forza e le muonece ze mettèane sèmpe cchiù paura e prijavene che chiù sentemiénte.

Quanne fenènne ‘e reégne le ddù sacche, u cumpare fantasme fa avvijà prima a u cumpariélle che le sacche e po’, cantanne cantanne isse z’avvija vèrte u récinte dell’uorte, scavalca la fènza e, tutt’e ddù, ze ne scappene.

La matina appriésse ‘šte ddù cumpare ze vanne a vénne le caule a cappucce a u paése vicine e ‘ccusì putènne fa magnà pure lóre a le figlie .Le muonece cumme z’auzanne jènne a verè sé u fantasme éva lassate cacché ségne: Ate e che ségne éva lassate u fantasme!... Z’éva repulite miéze campe ‘é caule a cappucce!!!

Mò u munachielle chiù giovene dicèa a u guardiane de chiamà le carbuniére, ma l’àute muonece dicènne a u guardiane: Patre Guardia’, chi sa chi puveracce éva quisse, lassame šta, tante s’avéssa remenì, mò nu’ sapéme u fatte e le réme na bona lezióna.

U ‘uardiane apprezzatte u judicie d’u cchiù anziane.

E accusì le povere muonece, zitte e musce, ce mettènne na preta ‘ncoppa.